

IPMILBÁLVALUS MAS LEA NISSONPERSPEKTIIVA SÁMIID JA SÁMI SERVODAGAIÐ VÁRÁS

Márjja lohpadusbeaivvi ipmilbálvalussii evttohus

ÁLGGAHUS

Mii leat girkui čoahkkanan Márjjá lohpadusbeaivvi. Dát beaivi lea mearkkašan ja ain mearkkaša olu sámiide, juohke sajis gos sii orrot. Das lea mearkkašupmi dan láhkái go čohkke min juoga mii lea stuorát ja eambo árvosaš go dat man mii máhttit ovdanbuktit min/iežamet gielain, ja maid de sáhttit oainnusindahkat govaid ja muitalusaid bokte.

Dainna lágiin mii áigutge dás čájehit dan mii lea guovddážis risttalaš oskkus, namalassii olbmuid servvolašvuota mii Ipmila bealis lea ásahuvvon go Ipmil sivdnidii olbmo.

Girkut miehtá máilmmi leat moadde jagi dás ovdal loahpahan nudaddjon logi-jagi mas fáddán lei ” girkut servvolašvuodas dahje solidaritehtas nissoniiguin”: Mii áigut loktet fuomášumi nissoniidda ja nissoniid dárbbuide, girkolaš oktavuodas ja eará servvolašvuodain gos mii sáhttit leat doarjjan nissoniidda miehtá máilmmi.

Min hálidus dás lea oaidnit eamiálbmotnissoniid oktan joavkun. Eamiálbmotnissonat joavkun leat geafimusat máilmmis. Mii leat sámi nissonat, geat orrut máilmmi rikkis oasis áiggálaš buriid dáfus. Mii leat eamiálbmotnissonat ja mii hálidit atnit servvolašvuoda eará eamiálbmotnissoniiguin miehtá máilmmi, dal go ON (Ovttastahtton našuvnnaid) eamiálbmotlogijahki aiddo lea loahpahuvvon.

PROSEŠUVDNASÁLBMA

Laudate omnes gentes (latiidna-, sámi- ja dárogillii)
Lávllagirji 1999 nr: 24, Salmer 97 nr 230.

ÁRBMUCEALKIN sámi- ja dárogillii

Sivdnideaddji ja Lonisteadji ja Eallindahkki nammii

ÁLGGAHANSÁNIT sámi- ja dárogillii

Odne lea Márjjá lohpadusbeaivi - otná ipmilbálvalusas mii vádjolit ovttas Márjjáin. Mii vádjolit ovttas Márjjáin dohko Elisabetha lusa - gos Márjá oaččui duodaštuvvot ahte son lea Ipmiliin ja Ipmil lea suinna.

Mii vádjolit guhtet guimmiideametguin - dasgo servvolašvuodas earáiguin duodaštuvvo min osku.

Mii vádjolit - iluin eallima dihte, servvolašvuoda ja girjás máilmmi dihte.

Muhto álggos - galgat mii čorget buot dan mii hehte dán vádjoleami.

SUTTUDOVDASTUS sámi- ja dárogillii

Gopmirdehkot mii Ipmila ovdii ja dovddastehkot min suttuideamet

Mii čuožžut du ovddas Ipmil, nissonat ja olbmát iešguđetlágan čearddain, iešguđetlágan gielain ja iešguđetlágan kultuvrrain. Mii dovddastit ahte miidjiide lea dávjá váttis oaidnit ja árvvus atnit guhtet guimmiideamet.

Atte midjiide ándagassii go mii eat gula go don čuorvvut.

Hearrá, attážit midjiide viissisvuoda eallit eatnatgeardásaš máilmmis ja ohcat du doppe gos don leat gávdnamis - ealli servvolašvuodas mas lea sadji buohkaide, vaikko mii leat iešguđetláganat.

Hearrá Ipmil almmálaš váhnen, veahkehivččet min, seamma ládje go Márjjá, mii lávlut dutnje máidnuma go mii leat ovttas guhtet guimmiideametguin.

KYRIE (sámi liturgiijas) sámegillii

GLORIA (sámi liturgiijas) sámegillii

KOLLEAKTAROHKOS (sámi liturgiijas) sámegillii

Rohkos Márjjá lohpadusbeaivái

1. TEAKSTALOHKAN sámi- ja dárogillii

Teaksta: Elisabetha ja Márjjá deaivvadeapmi : Luk 1. v 39-45.

Sálbma sáme- ja dárogillii

Mu váibmu vádjol` doppe /Mitt hjerte alltid vanke.
LAS 367/Nos 45

2. TEAKSTALOHKAN sáme- ja dárogillii

Teaksta: Márjjá máidnunlávlla: Luk 1, v.- 46-56.

OSKKUDOVDASTUS sáme- ja dárogillii

Dovddastehkot oskomet.

Mii oskut eallima Ipmilii guhte bajásdoallá ja ođasmahtá máilmmi. Nástit illudit, eanan ja áhpi máidnot sivdnideaddji. Ipmil lea illu ája ja lonástusa álgu. Su bokte mii gudnejahtit eallima ja oažžut roahkkatvuoda doaibmat.

Mii oskut Jesus Kristusii min Beastái, guhte lea eallán eallima min ovddas ja gillán jápmima min ovddas. Bajásčuožželan min eallimii ja čoavdá min eret balus ja vašis. Boahtte áiggis, man mii eat dovdda, boahá son min lusa árpmuin ja Ipmila riikka vuoittuin.

Mii oskut Bassi Vuigŋii, guhte addá máilbmái heakka ja ovttahtá min beroškeahhtá rájiin ja muvraáiddiin. Olmmošohkan dat ráhkada álbmogiid ja riikkaid, nissoniid ja olbmáid. Mii ovdošit eallima bassivuoda dihtii ja Bassi Vuoigŋa ávžu girku leat Ipmila oinnolaš mearkan eatnamis dassážiigo buot ollašuvvá vuoiggalašvuodas ja ráhkisvuodas. Amen.

SÁLBMA dárogillii

Vi synger med Maria. Nos 119

SÀRDNI

Teaksta mii čuovvu. Teavstta “Jasna Gora ja čáhpes madonna”, sáhtá lohkat sáme- ja dárogillii.

SALBMA sámegillii.

Mu báimman Herra (Min hyrding) Lg 19

OVDDASROHKOS sáme- ja dárogillii

Mii giitit odne eallima ovddas, go Ipmila oavdu dáhpáhuvá go olmmoš riegáda dán máilbmái. Mii giitit vuostemuččat vásáhusaid ovddas mat olu nissoniin leat, go sii guddet mánáža eatniheakkas. Giittos go mis lea vejolašvuhta muosáhit Ipmila lahkaorruma maiddái dán láhkái.

Mii rohkadallat vare miige beasašimmet deaivvadit guhtet guimiideametguin seammalágan iluin ja eahcálašvuodain go Márjá ja Elisabeth.

Mii giitit buot nissoniid ja olbmáid ovddas geat atnet ovddasmorraša nuppiide.

Atte midjiide fámu vai válddášeimmet vára luonddus ja dain luottain maid min máttar-ádját ja máttar-áhkut leat guođđán midjiide.

Mii rohkadallat buohkaid ovddas geaidda lea lossat giitit eallima ovddas. Veahket min oaidnit guhtet guimmiideamet čiegus bákčasiid. Boađášit du ealli doaivagiin min lusa.

Jaskes rohkos ja gintaliid cahkkeheapmi.

(Sáhhtá geavahit čuovgagloba)

Ovddasrohkos ja rohkosvástideapmi:

Å Gud hør vår bønn. Salmer 1997 nr 161.

Davvisámegillii:

Min rohkosa gula don, Hearrámet.

Vástit go čuorvut du!

Min rohkosa gula don, Hearrámet

Oro min luhtte dál.

T ja N Taizé

Js

Tore Johnsen

Áhčče-min rohkos

Lohkkojuvvo čudjosit sihke sáme- ja dárogillii.

SÁLBMA sáme- ja dárogillii

Almmálaš Áhčči / Himmelske Fader. Las 371 / Nos 311.

BURESSIVDNÁDUS

Vuostáiváldet buressivdnádusa: Buressivdnádus Ipmilis min Sivdnideaddjis, Jesus Kristusis min Lonisteaddjis ja Bassi Vuoiŋgas min Eallindahkkis lehkos din buohkaid mielde. Amen.

PROSEŠUVDNASÁLBMA sámegillii

Mu báimman Hearrá Ipml lea (Lg 19/ Nos 319)